

Athugasemdir frá LS í samráðsgátt stjórnvalda

Efni: Drög að reglugerð um merkingu veiðarfæra
og töpuð veiðarfæri.

1. ágúst 2019

Landssamband smábátæigenda telur að reglugerðin muni auka umræðu meðal sjó- og útgerðarmanna um ábyrga umgengni og mikilvægi þess að engin veiðarfæri séu skilin eftir í hafi. LS telur að reglugerðinni sé m.a. ætlað að mynda svigrúm fyrir veiðieftirlit Fiskistofu að refsa þeim sem ekki eru með merkt veiðarfæri um borð eins og þar er kveðið á um. Slíkt svigrúm telur LS óþarft enda ekki góð reynsla að eltast við einn fisk, hvað þá að merking hafi fallið niður á einu neti, hvoru tveggju gæti varðað sviptingu veiðileyfis.


Það er mat LS að 3. mgr., 2. gr., 1. kafla reglugerðarinnar „Merking veiðarfæra“ sé of íþyngjandi og óþörf, því mikill hvati fellst í að ná upp töpuðum veiðarfærum vegna verðmæta þeirra. Ekki sé ástæða til að auka við núgildandi reglur um merkingu kyrrstæðra veiðarfæra.

LS tekur undir að aðilum verði gert skylt að tilkynna umsvifalaust um töpuð veiðarfæri, línu, net eða gildrur. Nauðsynlegt er þó að veita aðilum svigrúm til að ná upp veiðarfærum áður en til kemur að farið verður í aðgerðir til að ná þeim upp á kostnað eiganda eins og nú er heimilt.


Í afladagbókum kemur fram hversu mörg net, línur og gildrur viðkomandi er með í sjó eða um borð. Reynist svo ekki vera við eftirlit er að það viðkomandi að gera grein fyrir því hvers vegna svo sé ekki.

Verði það niðurstaða ráðuneytisins að gefa reglugerðina út þar sem 2. gr. hennar verði óbreytt óskar LS eftir að ákvæði um línu og net komi ekki til framkvæmda fyrr en 1. september 2020. LS bendir á því til stuðnings að algengt er að strax lokinni grásleppuvertíð gangi aðilar frá netum klárum til næstu vertíðar.

Virðingarfyllt



Axel Helgason formaður



Örn Pálsson framkvæmdastjóri